



The Holy See

IOANNES PAULUS EPISCOPUS

SERVUS SERVORUM DEI

AD PERPETUAM REI MEMORIAM CONSTITUTIO APOSTOLICA **REGALITANA*** NOVA DIOECESIS IN
BARBADIA, REGALITANA NOMINE, CONDITUR. Diligenter iamdiu ita conspicamur in Episcopatu Fratres
Nostros unaque cum illis complures Ecclesiae ministros per dissitas insulas Caraibicas evangelizationis opus compleentes
atque ecclesiastica pariter instituta passim confirmantes ut maiorem usque communitatum earundem florem iam liceat
nunc prospici certaque praevideri cum laetitia futurum. Id quod apud gregem dilectum Pontopolitanum-Regalitanum
felicissime cernimus contigisse, qui adeo scilicet proximis hisce annis creverit sacrorum pastorum diligentia et effluerit
ut in duabus iis civitatibus, quas una adhuc dioecesis sit complexa, totidem posse ecclesiales sui iuris communitates
exsistere videantur. Commemorata enim modo circumscriprio simul Barbadiam finibus suis continebat simul Statum
Sancti Vincentii et Grenadiensum. Quo igitur eadem illorum gregum prosperitas citius in tuto collocetur atque utriusque
civitatis paroeciae et institutiones facilius gubernentur, haec quae sequuntur capimus ex apostolicae auctoritatis Nostrae
plenitudine legitima consilia, audita profecto iam ante sententia Venerabilium Fratrum Nostrorum causis praepositorum
Congregationis pro Gentium Evangelizatione necnon favore percepto Venerabilis Fratris Emmanuelis Monteiro de
Castro, Archiepiscopi titulo Beneventensis atque Apostolici in Barbadi Pro-Nuntii in Antillisque Delegati, postquam simili
observantia universos consulumus Episcopos totius Coetus Episcopalis Antillarum. Sic nempe iam paene viginti annos
exstantem ibi dioecesim Pontopolitanam-Regalitanam partim ut, altera parte Barbadiam in posterum occupante
semperque Pontopolitanam dicta, ex altera nova erigatur circumscriprio riteque condatur uno posthac nomine *Regalitana*
nuncupanda. Subiacere vero volumus hanc dioecesim tamquam suffraganeam Ecclesiae Metropolitanae Castriensi, illam
autem Pontopolitanam ad provinciam ecclesiasticam usque pertinere Portus Hispaniae. Porro templum cathedralē gregis
Regalitani esse iubemus aedem adhuc concathedralē Mariae Sanctissimae in Caelum Assumptae in urbe ipsa
Regalitana, vulgari quidem titulo Kingstown, sitam. Quod tandem ad singulas administrationis et gubernationis partes
normasque attinet novam apud hanc sedem et communitatem ecclesiale, commonemus graviter ut universa quam
religiosissime canonum sacrorum praescripta custodiantur et impleantur. Apostolicas denique hasce Litteras tam in
praesentia valere volumus tempora quam in subsequentia, contrariis quibusvis rebus neutiquam obsistentibus. Datum
Romae, apud S. Petrum, die vicesimo tertio mensis Octobris anno Domini millesimo nongentesimo octogesimo nono,
Pontificatus Nostri duodecimo.

AUGUSTINUS card. CASAROLI

a publicis Ecclesiae negotiis

JOSEPHUS card. TOMKO

Congr. pro Gentium Evang. Praef.

Apost.

*A.A.S., vol. LXXXII (1990), n. 3, pp. 221-222 © Copyright 1989 - Libreria Editrice Vaticana

Copyright © Dicastero per la Comunicazione - Libreria Editrice Vaticana